

Imicungire Ikomatanyije Y'uburumbuke Bw'ubutaka

Birashoboka kongera ku buryo burambye ukwihaza mu biribwa hakoreshwe ubuhinzi bugamije kweza umusaruro mwinshi ku buso buto mu Rwanda by'umwihariko ndetse no mu karere k'ibiyaga bigari bya Afurika.

IFDC, ikigo mpuzamahanga gashinzwe uburumbuke bw'ubutaka n'iterambere ry'ubuhinzi cyatangiyeye kwita kuri icyo kibazo kifashishije umushinga CATALIST (umushinga ugamije kwihutisha ubuhinzi bushingiye ku kweza umusaruro mwinshi ku buso buto, nk'uburyo bwo kubungabunga imibereho myiza y'abaturage n'ibidukikije.

Uwo mushinga CATALIST wamamaza kandi uteza imbere ubuhinzi bw'umwuga bugamije inyungu y'abahinzi borozi kandi burambye bushingiye ku micungire ikomatanyije y'uburumbuke bw'ubutaka (Mu magambo ahinnye y'igifaransa: GIFS: Gestion Intégrée de la Fertilité du Sol; mu magambo ahinnye y'icyongereza ISFM: Integrated Soil Fertility Management), hakoreshwe icyarimwe amafumbire mvaruganda, indumburabutaka, n'ubundi buryo bwose bukoreshwa mu gufata neza ubutaka. Ibyo bituma umusaruro w'ibihingwa wiyongera kandi ibidukikije bikabungwabungwa.

Imicungire ikomatanyije y'uburumbuke bw'ubutaka (GIFS, ISFM) ni bwo buryo bwiza bushoboka bwo gukoresha:

- Imyunyu-ngugu iri mu butaka;
- Indumburabutaka ziboneka mu karere dutuyemo;
- Amafumbire-mvaruganda;

Mu rwego rwo kongera umusaruro kandi uburumbuke bw'ubutaka bukiyongera bukanamara igihe kirerekire.

Kugira ngo imicungire ikomatanyije y'uburumbuke bw'ubutaka yumvikane, IFDC CATALIST yataguye udutabo tw'iyamamazabuhinzi 9 tugenewe abagaronome n'abamamazabuhinzi.

Agatabo ka mbere n'aka kabiri twibanda ku micungire ikomatanyije y'uburumbuke bw'ubutaka



muri rusange naho udutabo tundi dutanga ibisobanuro birambuye ku ikoranabuhanga-shingiro n'ikoranabuhanga ry'inyongera mu micungire ikomatanyije y'uburumbuke bw'ubutaka (GIFS). Utwo dutabo uko dukurikiranye turuzuzanya.

Ibikubiye muri utwo dutabo

- ✓ Agatabo ka 1: Ingingo ngenderwaho n'ikoranabuhanga mu micungire ikomatanyije y'uburumbuke bw'ubutaka;
- ✓ Agatabo ka 2: Kuki hakoreshwa amafumbire-mvaruganda mu buhinzi bugamije kweza umusaruro mwinshi ku buso buto;
- ✓ Agatabo ka 3: Intunga-buzima z'ibihingwa n'akamaro kazo mu buhinzi;
- ✓ Agatabo ka 4: Amafumbire-mvaruganda, uko ateye, uko apfunyitse n'uko abikwa;
- ✓ Agatabo ka 5: Ibishobora kugira uruhare ku mikoreshereze myiza y'amafum-bire-mvaruganda;
- ✓ Agatabo ka 6: Uburyo bwo gushyira amafumbire ku bihingwa n'ingaruka mu ikoresha ryayo;
- ✓ Agatabo ka 7: Imicungire y'ubusharire bw'ubutaka;
- ✓ Agatabo ka 8: Imicungire y'imborera mu butaka;
- ✓ Agatabo ka 9: Kurwanya indwara n'ibyonnyi ku bihingwa by'ingenzi.

Amafishi tekini y'abahinzi n'ayo kubara urwunguko ari gutegurwa, azaboneka mu gihe kitarambiranye.

Thomas Hatangimana et **Claudine Hitimana**
Agronome Communication